



Mamba Magu Mbog'anzembi

COMPOSÉ
PAR WATSON GOODMAN

GRATUIT – NE DOIT
PAS ETRE VENDU

Mamba Magu Mbog'anzembi

“Mamba magu mbog’aNzembì” présente une série de versets extraits des Saintes Ecritures et classés par sujets. Je suis persuadé que le meilleur commentaire des Ecritures est la Bible elle-même.

La Parole de Dieu vient d'en haut et elle apporte réellement le secours aux coeurs qui ont faim et soif de la justice. Si une personne se repente et abandonne ses péchés, si elle invite le Seigneur Jésus-Christ à habiter dans son cœur, croyant fermement en Lui comme en son Sauveur personnel, Il lui fera part de Sa joie et de Sa paix. C'est là l'expérience que j'ai faite en 1937 et depuis lors, ma communion avec le Seigneur n'a jamais été interrompue. Je vous supplie de vous soumettre à Lui, en l'acceptant MAINTENANT comme votre Sauveur et Seigneur, si vous ne l'avez pas déjà fait.

—Watson Goodman (1920-2002)

NZEMBI NGUA TING'ABAATA

1

Jean 3.16

Nzembî â-mono ting'abaata yalótala, nâ-sindala Muan'ande walékika mu niut'abo, mu ndé, Babaka-silala mamba mamu niut'ande basiba-kua ve, bo ka móyi ba-ka na nde wamubu na mubu.

Apocalypse 1.5

Jésus Christ ni wuNzembî â-sóla gu léku, nde yivónda siabakumu bamalongo mótsi. Nde ni waa-tondo bésa-béna. Nde ni wâ-kagala bésa-béna na mamba malâ-sadanga mamabi mu mbat'anzin'ande yiyâ-pógaga.

1 Jean 4.8,9

Babaave-mono bambegi tinga basama-yika na Nzembî ve. Nzembî ni ngua tinga. Tinga yiNzembî â-mono bésa-béna, laa-yaba yo mu tsindaga gu ndê tsindaga Muan'ande walékika mu bulongo buu, mu ndé, Bésa-bé lé-fua móyi mu nde.

Jean 13.1

Jésus â-baa ama-yaba . . . ndé, Lékese la-mata mu bulongo buu mu gabaga gu mbog'aTaata léma-too. Ndê tondongo baata bendi bamu bulongo buu, yitóndili sindê tondongo bo nasia gu léku.

Jean 1.1,14

Nzembí na pa-sada tsenge yótsi, Lébiga ndila lóna léna. Lébiga muene lâ-baa ni Nzembí nde muene. . . Lébiga lâ-kétaga mutu bulongo buu. Lo lâ-tsagalanga va pfuesi abésa. Lo lâ-baa na ting'abaata na bimbuli. Nilâ-monongo gu ndê baadanga na buyimba. Buo ni bu Muana walékika aa-baga na Taat'ande.

1 Timothée 3.16

Lébaa-lele, bó, Tsiamba lélaanongoso bésa-bé na Nzembí; tsia muene, paga mu tsikasa. Ndê bongo nzim'abaata, nâ-monono na baata batoto guni. Lénioní Labuyimba nâ-vee nde mubénga.

Batóma baNzembí bagu yulu nibâ-monono na nde. Baata bâ-simbalanga mamba mamu niut'-ande va pfuesi abaata bamakaka makaka. A bââna nibâ-silalala mamba mamu niut'ande. Nzembí nâ-kómasa nde gu mbóg'ande gu yulu.

Mamba muene mótsi nimâkuania na maKumu âpa-yambala na muyélisi abaata mabiga mendi na bukala, ndé, "Mukaasa waavepa-bugu bitsiga na babagala na-mene dimi. Muana wunde ka-bóta, lébagala. Nibálóga nde Emmanuël." (Sópala guandóga muene ti, Nzembí na bésa-béna a-li.) —Matt. 1.22.23

Colossiens 2.9

Nzembí, ndé, Nzim'ame yótsi
mu niut'aChrist yi-li, yi-monono
mu niut'ande.

Matthieu 8.29

[Badéma] nibâ-dumunu misima,
bó, "Muan'aNzembí wuu, bésa-bé
tsia nâ. ?Lékese ki pa-too ve,
weka-yada gu yi-songisi bésa?"

Matthieu 17.5

Pierre baa ki yambala aa-
yambala, lébungi latutî nilâ-
dibaga bo vââna mâ mâ mâ mâ.
Bâ-yóga ndag'amutu gutso
lébungi, ndé, "A wuunuwu ni
Muan'ame wamutéma wumee-
tondo. Ki-yógalani nde."

Tóm'aNzembí nâ-lele nde, ndé,

"Lénióni Labuyimba nilé-sótaga
gu mbóg'awe. Ngudi aNzembí
ngua biotsi, yé ni yika-guasa we.
Lé ni lémuana muene wuweka-
bóta baka-lele nde, bó, Nde waave-
na tsia ni tsiamba, nde Muan'a-
Nzembí."

—Luc 1.35

Babaa-meme, bó, Jésus Muan'a-
Nzembí, Nzembí ka gutso mitéma
a-ka. Bo na baNzembí vââ mutu
ka mumósi.

—1 Jean 4.15

Jean 10.36

[Jésus, ndé,] "?Mfua na wu-
Nzembí â-bânda, ndé, We-buéyi
we-yende gu toto; wó ka ni wubé
laa-lele ti, We Nzembí wee-
vongolo, mu me-lé, mé, Me
Muan'aNzembí?"

JESUS AA-LELE BU NDE LI

Jean 9.5

Va me ki mu bulongo buu, me ni
waa-sada baata bôtsi yivele.

Jean 11.25

Jésus, ndé, “Me ni musuli
ababâ-kua, me ni waa-fuisa bo
móyi. Babaa-silala mamba mamu
niut’ame, bo na ba-kua, ndila
móyi bââ-fua.”

Jean 13.13

Jésus, ndé, “Bé laa-te me ti,
Mulóngisi, na Kumu. Bé buédi
laa-lele. Me ni bó me-li.”

Jean 8.23

Jésus, ndé, “Bé bisi toto guni,
me muisi yulu. Tsenge yii,
yabéna. Mesa-li muisi muu ve.”

Jean 4.25,26

Mukaasa nâ-lele Jésus, ndé,
“Me-yebi, mé, Kum’abaata
wubaa-kua tsongo, bó, Na-ya
(nde ni wubaa-tede, bó, Christ),
na-yada. Nde mana yada, nde ni
wuka-sópala bésa mamba mótsi.”
Jésus nâba-kala nde, ndé, “A
wuu ni me waa-yambala na we.”

Jean 6.35

Jésus, ndé, “Me ni biéla bibia-
fuisa baata móyi. Babaa-sa mi-
téma mu me basiba-kua na nzala
ve; babaa-silala mamba mamu
niut’ame basiba-kua na peyi
amâmba ve.”

Matthieu 20.30,34

Bapepedi boli bâ-tsagalanga va mbad'anzila, bo bâ-yóga tsanga, bó, Jésus ndón'aa-lóta; nibâ-pamaga na kaya, bó, "A Mulóngisi, mutégad'aDavid, mo bésa tinga!" . . . Jésus â-mono bo tinga, nâ-bembe bo mu misa. Va keti avââna misa mabo nimâ-bueye. Bo nibâ-bugu nzila bó na baJésus.

Luc 5.4-6

Jésus a-mana yambala, nâ-lele Simon, ndé, "Tsindaga mbungu gu mutém'amudiba va pédi yidiba, bé na bambegi. Bé lo nilé-bóma batchui. Simon nâ-kala nde, ndé, "A Mulóngisi,

butsugu buótsi bésa lésa-begi biolo ve ndila buaganga mambusu, tchui ti mumósi wulabóma ve. Mee-gabagala ka mu ndag'awe yiwe-tsugi yéna." Bâbabuaga, nibâ-bóma batchui mfua bo ve, mambusu mabo nimâ-voto kasaga na mbam'abatchui.

Matthieu 15.29,30

Jésus . . . nâ-kóma gu yulu mukongo, nâ-tsagala góna. Baata mfua bo ve nibâ-yende gu mbóg'ande, nibâ-béta na babâ-tsótsaganga, na bapepedi, na bangua biku, na bimeme, na babéda bakima mfua bo ve. Nibâ-témba bo va misa maJésus, nde nâ-beelese bo bótsi.

JESUS CHRIST WA-SADA BIOTSI, NDE KUM'ABIOTSI

Nzembî â-sada biôtsi ndila mu niut'aChrist . . . na bibi-li gu yulu na bibi-li mu toto muu, na bibaa-mono na misa na bibaave-mono na misa, na bangua buyumunu buamulinga mulinga, na bangua bunono bua-sada peti mamba balaave-mo na misa. Nzembî ni wâ-sada bikumbu muene biôtsi, biôtsi mu niut'ande bi-lidi.

—Colossiens 1.6

Ephésiens 3.9

[Paul, ndé,] "Nzembî musidi abiôtsi nâba-lele me, ndé, Yende yi-lele baata tsiamba lémêpa-baadanga na lo gutso mutéma, lo lé-baa velê."

Mu tsugu yii Muan'aNzembî ka ni waa-tooso bésa-béna matóma maTaat'ande. Bó na nde ni babâ-sada biku biôtsi. Nde ni wuNzembî â-bânda, ndé, Wenibaa Kum'abiôtsi na mumua-sika tsenge.

—Hébreux 1.2

Christ â-kua, nde nâba-sóga, mu ndé, Me-baa Kum'abaata bôtsi na babâ-kua na baba-li mióyi.

—Romains 14.9

1 Corinthiens 1.9

Nzembî asa-dimbala mamba mandee laga, ndé, Meni-sada ve. Nde ni wâ-bânda béna, ndé, Béna baMuan'ame Jésus Christ lé-baa na yinongo.

JESUS CHRIST NI WAA-PASA MIPAMA MIABAATA

7

Actes 10.42

Jésus ni wâ-tóma bésa mu yi-simbala mamba mendi gu mbog'abaata bótsi na mu sigasti, Jésus ni misamba wuNzembî â-vee buyumunu, ndé, A-pasa mipama miambala mabaata na baba-li mióyi na babâ-kua.

Romains 2.4-6

Nzembî aa-mono ting'abaata mfua yo ve, nde ni wu-li na mutéma bula, nde ni waa-vókada mamba mabaata . . . ?bé ka nde laa-lengese? ?Bé lésa-yebi ti, Ndee mono ting'abaata, mu ndé, Ba-gele mamba ve? Mu bunono buamitéma miabéna, bé

balaave-yóga mamba, bé vââ ka kési aNzembî laa-nenese. Létsugu lende ka-pasa mipama miabaata bótsi, asaka-dimbala, ndé, A wuu a-bingi, a wuu a-kui mbele ve. Lé ni létsugu lékési aNzembî yika-monono. Nzembî na-kala baata bótsi mapéla mu mamba mabo baa-sada.

Romains 2.16a

Mââ ni mamaka-póla mu létsugu léNzembî aka-pasa mipama miambala mabaata bótsi mabo bâ-suegenge gutso mitéma. Jésus Christ ni wukalele lébiga lakii.

Jean 14.6

Jésus, ndé, "Me ni nzila, me ni ngua bimbuli, me ni Mufuisi abaata móyi. Mutu asipa-sóndala gu mbóg'aTaata lóta ve, tsómi ki pa-yada gu mbóg'ame."

Jean 8.24

Lé ni léme-léli béna, mé, Bé nilé-kua ndila mu sadanga mamba mabéna mamabi mââna. Bé ti laabisá singa ti, Me ni bó me-li, bé nilé-kua mu sadanga mamba mabé mamabi mââna.

Actes 4.12

Baata basi-fua móyi mu niut'amutu mukima ve. Nzembí asaba-vee baata ndóga kima mu

toto muu yibo baa-fua móyi mu yo ve.

Jean 10.9a

[Jésus, ndé,] "Me munio nzo. Baata babaa-ningala mu munio nzo muene mu niut'ame, niba-fua móyi."

Hébreux 7.25

Lé ni léndee fuisa baata móyi babaa-sada mitéma mu Nzembí mu niut'ande bo móyi ba-vida ve. Nde sa-niaga Nzembí bondo mu niut'abo ve, mu nde li muyikala.

Hébreux 5.9

Vââ ni va Nzembí â-lele, ndé, A wuu ka ni waa-bueye. Nde ndila ka ni wubabaa-yimbasa nde baa-fua móyi mubu mu nde.

Colossiens 1.12-14

Kakasani Taat'abésa-béna mu mono guabubue, nde ni wâ-bueyese béna mu bugu lébuli na baana bendi babaa-tsagala mu yivele. Nde ni wâ-masa bésa-béna gutso mamba mayipfundu, nâ-bugusu bésa-béna na yitsukisia Muan'ande wamutéma. Mu niut'ande bésa-béna nilâ-potogo. Nde nâba-sindala mamba mabésa-bé malâ-sadangani mamabi.

Apocalypse 5.9

[We, Jésus,] We ni wubâ-bóma. Mu kua gu wê-kua, wêna-potolo Nzembí baata bamakaka mótsi, na bamandaga mótsi, na batsenge yótsi, na bamalongo mótsi, mu

mbat'anzin'awe yiyâ-pógaga.

Nzembí ni wâ-bugu bé na baJésus Christ mutu mumósi. Nde nâ-yabasa bésa-béna mamba mendi mambuli mu niut'aJésus Christ. Nzembí, ndé, Bé léma-ditana neme mu niut'ande, bé ndila yimbasanga me tsugu yótsi. Bésa-béna léma-mana potogo mu niut'ande. —1 Corinthiens 1.30

Nde nâ-sindala niut'ande mu mbat'abésa-béna, mu ndé, Me-mana bo mamba mamabi mótsi, ba-baa baata beme, me pénda me-baa kum'abo, bo mitéma mi-tendege, ba-baa na mitéma mbuaga mu sada mamba mamabue. —Tite 2.14

NZIN'ACHRIST NDILA YO PENZA YAA-NONGOSO BAATA NA NZEMBI

Ephésiens 1.7

Bésa-bé léma-potogo mu nzin'a-Christ yâ-pógaga. Nzembî nâ-sindala bésa-bé mamba malâ-sadangani mamabi mu légétsa lénđê gétsa bésa-béna.

Kiti mu kua gu ndê kua, Nzembî a-bingisi bésa-béna, ?mfua na diba gu ndee diba bésa-béna, kési aNzembî yika-bisa fua mu mbat'a-bésa-béna? —Romains 5.9

Hébreux 9.14

?Mfua na nzin'aChrist yo yisitendele mitéma miabésa-béna ve? Va mamaave-na tsongo mamaatsua léku maka-fua, bésa-bé léka-bueye mu yimbasa Nzembî, nde waave-kua. Christ nâ-sindala

niutu mu ngudi Lénióni Labuyimba Lamubu na mubu, ndé, Lo ngana wó, Lélaga lélaabueye na Nzembî mubu.

1 Jean 1.7

Bésa-bé ti laa-tsagala gutso yivele siNzembî nde muene a-li, bésa-bé vââ mutu ka mumôsi. Nzin'aJésus, Muan'ande, yaa-tendele bésa-bé mitéma, mamba mamabi maa-fua mótsi.

1 Pierre 1.18,19a

Yabani ti, Sibâ-potolo béna mu kagala béna na mamba mamaavena tsongo . . . a biku bibiaganzana ve. Sibâ-potolo béna mu sio, ndila nzin'aChrist yiyaave-yebene na yikumbu.

FUA MOYI MU SILALA GUAMAMBA MAMU NIUT'ACHRIST

11

1 Jean 5.4

Baana baNzembi bubue ba-póla
mamba mabulongo buu lévu.
Babaa-silala mamba mamu
niut'aJésus, bââ ka ni babaa-
póla mamba mabulongo buu lévu.

Mamba muene bâ-kóma mu bó,
Bé na béna lé-yaba ti, Jésus ni
Kum'abaata wubaa-kua tsongo,
bó, Na-ya; nde ni Muan'aNzembi,
bé lé-fua móyi mu niut'ande mu
silala gu bé laa-silala ti, Wó ni
nde.

—Jean 20.31

Ephésiens 2.8,9

Bé ka móyi laa-fua ndila mu
gétsa gu Nzembi aa-gétsa béna,
mu silala gu bé laa-silala mamba

mamu niut'aJésus Christ. Ndila
mu tébala gu Nzembi aa-tébala,
ndé, Ba-fua móyi, . . . A mu
mamba mabé laa-sada mamabue
mââ ve, bé léka-dumu matulu
ti, Mââ ni mabésa laa-fua móyi.

Baata ti bó na bajésus Christ
mutu ka mumósi . . . tsia
lambuli ndila mu silala
guamamba mamu niut'aJésus, na
mono guabaata tinga. —Gal. 5.6

Nzembi ama-mana bésa-béna
béngeasa mu silala gu laa-silala
mamba mamu niut'ande. Bésa-
béna na nde lé-ka na yinongo mu
niut'aKum'abésa-béna Jésus
Christ.

—Romains 5.1

Lamentations 3.22,23

Tinga yiNzembí aa-mono baata
yisa-fua ve, yo yisa-sika ve.
Tsugu yótsi yo ndila yóna yéna.
Nde ngua lébegi lamamba!

Matthieu 18.11-14

Me Wâ-bongo nzim'abaata mêt-
yada mu mé, Me-saga babaa-
niambana, me-pôsa bo gu bo ba-li,
ba-fua móyi. Vatso béna mutu-
a-baa na mukam'abataba,
mumósi a-niambana, ?mââna aka-
bisa niaga makumi mabataba wa
na bataba wa bââna gutso pindi,
ndé, Mepa-ye gu yi-saga wu-
niembini wóna? E, nde ndila
yende gu saga. A-mana sololo, na-

sangala. Yisengili sindee sangala
wundê sololo wóna niyi-lótala
sindee sangala bandê saala na bo
bamakumi mabataba wa na
bataba wa bââna. Na móni
aTaat'abéna wu-li gu yulu asa-
tondo, ndé, Muan'angebe ti
mumósi a-niambana ve.

1 Pierre 1.3

Lé-kakasani Nzembí, nde
Taat'abésa-béna Jésus Christ!
Nde nâba-gelese bésa-béna nzima
kima mu tinga yindee mono bésa-
béna mu mbat'asóla gu ndê sóla
Jésus Christ gu léku. Yé ni
tsong'abésa-béna ya-fua guamóyi.

Esaïe 1.18

Nzembí, ndé, Yadani, mé ni mudibi abéna, bé na lé-baa na mamba mamabi, mo na ma-baa nzuembê, meni-mana mo.

Esaïe 55.1

Nzembí, ndé, “Yadani bé bótzi balaa-mono peyi amâmba, bé na léve-na badolo, yadani gu tsia na gu nio, bé lési-futu ti futu ve.”

Matthieu 11.28

Yadani gu mbóg’ame, bé bótzi baléma-roko na balaa-kegele mu papa mikunu, me-vómasa béna.

Apocalypse 22.17

Lénioní Labuyimba bó na baata ba-Lébundu LaJésus (bo ngana

mukedi ande) baa-lele, bó, Yada! Na babaa-yóga mamba muene na bo bubue ba-silala, bó, Yada! Babaa-kua na peyi amâmba, bayada, ba-niodo mâmba mamaavena paga mamaa-fuisa baata móyi.

Jean 7.37

Létsugu lamubéka lélénéni lasikala, Jésus nâ-temene, nâ-pamaga na ndaga yiycinéni, ndé, “Baata babaa-kua na peyi amâmba, ba-yada gu mbóg’ame, ba-nio mâmba.”

Jacques 4.8a

Sadani mitéma mu Nzembí, nde na nde na-sa mutéma mu béna.

14 BAANA BANZEMBI NDILA BAKIMA BAANA, A BOTSI VE

2 Corinthiens 6.17,18

Kumu â-lele, ndé, "Matani vatso baata muene, bé lé-kagaga na bo. Yâ-télani na bikumbu bibibi, tso meka-mo bé buédi. Meka-baa Taat'abéna, bé léka-baa baana beme babakaasa na bababagala."

Philippiens 2.15

Bé vââ nilé-baa balaave-kua mbele mu tsia ti lémosi ve, bé balaa-tsagala vatso baata bababi baba-li na pfudu. Bé balaa-kémба va pfuesi abaata muene na mabiga mabaa-fua móyi mu mo, bé vââ ka ngana balembi babaa-lóla vatso yipfundu.

1 Jean 3.10

Vââ ka ni va laa-yabani ti, A bââ baana baNzembi, a bââ baana badiable. Babaave-sada mamba mama-yebene basa-li baana baNzembi ve, na móni abo babaave-mo ting'a-bambegi.

Romains 8.14,15

Baata baLénioni Labuyimba laa-kémба na bo nzila mósi, bo vââ ka baana baNzembi. Bé vââ lésiba-regene ngana bavéga ve. Nzembi ama-vee béna Lénioni Labuyimba, mu ndé, Bé lé-baa baana bendi. Bésa-bé ka mu ngudi Alo laa-sangala Nzembi ti, Taata.

Romains 13.13,14

Lé-baadani na mamba mamasónدا. Lé-niagani munzunzu na lélengi na buvesi na bupupulu na mapaga na ngusu. Bongani biku bia-Kum'abésa-béna Jésus Christ. Tamanani léniungi lamamba mamu maniutu mabéna.

Galates 5.19-21

Mamba mamaa-mata gu mióyi miabaata, bésa-béna ka mo laayaba. Mamba muene: na tsanda, na buvesi, na bupupulu, na yimbasa guamatsónga, na malongo, na yibene, na lébele, na paga, na ngusu, na bukeni, na mulóta, na kabana guamabuli,

a bââ na labo, a bââ na labo, na pida ya-vida bambegi, na lélengi, na munzunzu, na mamba makima mamabi mótsi peti mo. Me béé mema-lele béna, meeba-gabagala bé lébala, mé, Baata babaa-sada mamba muene basakaba-baga buyumunu buaNzembi ve.

Proverbes 23.31,32

Yâ-kengese malama mabukeni mamaa-fua gutso tsóba, mamaa-yingaga gutso kopo. Mo ngana bukeni buamiangala miatedi va ndee kaga.

Baata babaa-nióngala malama mabukeni busi ki kia ve, bo ka langa baa-langa, busi ti vinda, niba-mono!

—Esaïe 5.11

16 SILALA GUAMAMBA MAMU NIUT'ACHRIST NA MUNIO TSITSA VE

Matthieu 7.21

A babaa-kayila me ndila na mikaya pénza, bó, A Kumu; bââ-toodo gu mbóg'a Nzembí gu yulu gu ndee yumu ve. Babaka-ningala góna ndila babaa-sada mamba maTaat'ame mandee tondo, ndé, Ba-sa.

Luc 6.46-49

Jésus, ndé, "Mamba mamee-lele béna, bé yóga ve, sibé laabatede me ti, A Kumu, ka yiki. Mutu a-ya gu mbóg'ame mu yóga mamba meme, ndee sada mo, mee-fuanasa nde vââ ka ngana mutu waa-tónga nzo. Nde pa-bóka lébela mfua lo ve. A-bóka a-bóka

a-bóka, nâ-bakasa lémania, nâ-tónga va yulu lémania muene. Mfulu â-banda nogo. Nâ-nogo nâ-nogo nâ-nogo, nzeli wótsi nâ-sada tónda, nâ-pógala. Mupéla nâ-sada mfua nde ve. Nâ-góba mu nzo ngubû ngubû, nzo pópa ve, mu ndê tónga yo va yulu lémania. Mutu a-yóga mamba meme, nde mo sada ve, nde vââna aa-fuana ngana mutu wâ-tónga nzo va yul'atoto, nde lébela bóka ve. Nzeli nâ-pógala, mupéla nâ-sada mfua nde ve, nâ-góba mu nzo muene ngubû ngubû. A vââna nzo niyâ-bóndagá, niyâ-nianzaga matsuaka matsuaka.

Ephésiens 5.6

Rambalani, baata baka-sombo
béna na mamba mamaave-bueye.
Mââ ni mamaa-kambala Nzembî
kési gu mbog'abaata bangua
muvongo, ndé, Meka-vee bo
mambele.

Jacques 1.22

Baadani basidi bamamba ma-
Nzembî, a ndila bayugi bana
matchui pénza ve. A gó ni
yóngasa guabé muene mu yaba
guati, Mua nzi yimee-yaba yéna
ni yimee-fua móyi mu yo.

1 Jean 3.7,8a

A bangebe baa, yâ-singani ti
baa-sombo béna. Baata babaa-
sada mamba mamayebene, bââ ni

baata babayebene ngana bu
Jésus Christ a-li. Babaa-gala
na mamba mamabi sada, bââ ni
baana badiable. Diable ni wâ-
sadanga bubi keti atsómi nasia
lolo.

1 Corinthiens 6.9,10

?Bé lésa-yebi ti, Baata bababi
basaka-baga buyumunu bua-
Nzembî ve? Na bivesi, na baata
babaa-yimbasa matsóngga, na
bangua bundiga, na babaa-sada
mamba mambónzi, . . . na
bayibi, . . . na balengi bamalama,
na bangua biyembili biatsuakala
tsuakala, na mibóngi, bââ bótsi
basaka-baga buyumunu bua-
Nzembî ve.

18 SADA GUAMAMBA MAMABI GUA-TSUALA LEKU LAMUBU

Romains 8.6

Babaa-landa mamba mamaamata gu mióyi miabo muene, bo baa-kua na yinióngga siamamba muene. Va mamba muene makafua bo, gó ka ni kua guamubu. Babaa-tamana maniutu mu landa mamba maLénioni Labuyimba, bo kuadanga na yinióngga siamamba mendi. Gó ka ni fua guamóyi wamubu na mubu na baada na mitéma miasónda.

Romains 5.12

Wâ-sógala tsia lélébi sada mu tsenge yii, mutu ndila mumósi. Léku nilâ-yada mu mbat'alébi léndê sada, léku nilâ-kógala

baata bótsi, mu bótsi bama-kógala mamba mamabi sada.

Jacques 1.15

Nzal'amamba muene ma-kuata baata mu mitéma, yo sada ka mamba mamabi. Ba-mana mamba mamabi sada, a lé ka ni léku.

Apocalypse 21.8

Baata bangua mitéma miakolo mu singa mamba peti mo, na bangua pfudu, na bangua mamba mabupupulu, na babumi babaata, na bangua buvesi, na bangua malongo, na bangua bikoko, na bangua mamba moli moli, baata muene bótsi niba-kua léku lamoli gutso lébéla lamuludi ambuaga yiyaave-dima yambuli.

Jésus nâ-kukulu va pédi lékési lamfumbi, nâ-témba lékaka va yul'alo. . . . Jésus nâ-lele lébagala muene wâ-baa ama-kua, ndé, "A mufudu wuu, Sóga!" Mufudu nâ-sóga, nâ-tsagala, nâ-tubu yambala.

—Luc 7.14,15a

Jean 11.43,44

Jésus nâ-yambala na ndaga yiyinéni, ndé, "A Lazare, pôla!" Vââ ka ni va mfumbi â-pôla, miogo na mila bâ-gada na bifuti biamatsanda . . . Jésus nâ-lele bo, ndé, Niangalani nde biéna, bé lé-niangasa, nde muene a-yende."

Me ni wu-li móyi. Mê-baa memakua, me ndóga mema-sóga, me móyi me-ka mubu na mubu. Me ni

wu-meni léku. Me ni Kum'abaata babâ-kua. —Apocalypse 1.18

Jésus, ndé, "Taata aa-tondo me, mu mee-sindala niut'ame, mé, Me-kua. Me-kua, meniba-fua móyi. Mutu ti mumósi waa-toga me bôma, ndé, We-kua ve. Me muene ni waa-sindala niut'ame, mé, Me-kua. Me-kua, me na ngudi yaba-fua móyi. Bó ni bu Taata â-lele me." —Jean 10.17,18

1 Corinthiens 15.25,26

Christ aka-yumu nasi Nzembí aka-mana bikumbu biôtsi bibiaganza baata, Christ ndila ni wukabaa Kumu. Yikumbu sisia-ganza baata sibaka-sikala sio mana, ka léku.

Deutéronome 5.7-21

Nzembí, ndé, Yâ-baa na bikoko.
Yimbasa ndila me muene.

Yâ-baa na bakósi, ti peti
bikumbu bibaa-paka, ti biagu
yulu ti biagu toto, ti biagutso
manzeli (wó, A bii ni bimee-
yimbasa).

Yâ-yimbasa bio. Me Mubu na
mubu, me Nzembí, me na
léguebi.

Yâ-tata ndog'a Nzembí
matsuaka; nde na-tsisa babaa-
tata ndog'ande matsuaka sigi.

Kele létsugu lapiga, we-
yimbasa Nzembí mu lo. Bó ni bu

Mubu na mubu â-lele we, ndé,
We-sada. Sala tsugu samana, we-
mana bibénda biawe mu yo.

Yimbasa ngu awe na taat'awe,
weka-dinga na móyi mu toto
muu, weka-mono buédi.

Yâ-bóma baata.

Yâ-sada bundiga.

Yâ-yiba.

Yâ-kutulu bambegi mamba.

Yâ-nióngala biku biabangeni,
wó, Bi-baa bieme — ti mukedi
angení, ti nzo nde, ti nungi ande,
ti museli ande, ti bataba bendí,
ti peti yikumbu siangeni, wó,
Si-baa sieme.

Job 34.21,22

Nzembí aa-mono mamba mótsi
mabaata baa-sada, a wuu na
mendi a wuu na mendi. . . . bo
yisuémili ti pésa ve.

Luc 8.17

Mamba mabaa-suege nima-
tubugu mótsi, na móni amamba
mamakundu masaka-suemene ve,
nima-póla mbedi.

Psaume 139.12

Wesa-mono yipfundu ve,
[Nzembí,] wee-mono yipfundu
ndila wó, Nianga velé.

Hébreux 4.13

Yiku sisia-sueme Nzembí ti
yimósi siangidi ve. Biótsi bi-li

ndila velé va misa maNzembí.
Nde ni wuléka-lelani matsotso
mabésa-bé mótsi.

Actes 17.24

Nzembí wâ-sada tsenge yótsi na
biótsi bibi-li mu yo, nde ngua yulu
na toto. Nde sa-tsagala mu manzo
mabaata baa-tónga na miogo ve.
Nzembí basa-yamasa ve, asa-
kondo tsiamba ve. Nde ni waa-
fuisa baata bótsi móyi, nde ni
waa-veede baata na mufudi
wubaa-vóma, nde ni waa-veede bo
na bikumbu biótsi. . . . Nzembí
nâ-sada baata na létsugu laléku,
a wuu na lendi, a wuu na lendi.
. . . Nzembí asa-li vala na bésa
bótsi ve.

Matthieu 13.41,42

Wâ-bongo nzim'abaata na-tsindaga batóma bendi bagu yulu, niba-masa baata bôtsi babaa-rémbala bambegi gutso yitsuku siaNzembí, na móni ababaa-sa mamba mamabi. Niba-tete bo gutso mbuaga yabukeni. Gó ni gu bo baka-lélanga na niónganga minio.

Matthieu 18.8

Gogo siawe siéna ti si-li bula mu sada mamba mamabi, kese sio, we-busu vala na we, we-saala na lékudu. Gulu siawe siéna ti yisa-tsagala yitsiga yimósi ve, bogolo sio, we-busu vala na we, we-saala na lékudu. Kuati na

yende na lékudu gu mbog'a-Nzembí gu baa-fua móyi mubu na mubu, a mu baa na mila mioli na miogo mioli, baka-tete we gutso yitsiga siambuaga yave-dima.

Apocalypse 20.15

Baata babâve-na mandóga mu yisianga siamandóga mabaata babaa-fua móyi, niba-tete bo gutso lébela lambuaga.

2 Pierre 3.7

Na biagu yulu na biamu toto biamfuegi, Nzembí ka bio aa-kele, ndé, Bipâ-baa muóna; nasi létsugu léNzembí aka-pasa mipama miabaata bôtsi, na-tsóga bio mu mbuaga, na-gudusu babaa-vongolo nde bôtsi.

2 Pierre 2.9

Kumu na-laga baata babaa-yimbasa nde yipulili sibo baka-póla na niutu mu mamba mabaa-mono paga. . . . Nde mutéma aa-sókala mu baata bababi nasi létsugu lende ka-pasa mipama miabo. Vââ ni va nde ka-tsisa bo sigi.

1 Jean 4.17

Tinga yiNzembí aa-mono baata ka gutso mitéma miabésa-béna yi-ka. Nzim'aChrist na yo ka na bésa-béna yi-lidi mu bulongo buu. Bésa-bé vââ mitéma mia-sónda mu tala Nzembí mu létsugu lende ka-pasa mipama miabaata.

Hébreux 9.27

Nzembí, ndé, "Baata baa-kua léku ndila lémosi. Va yul'avââna mêmé-pasa ka mipama miabo."

Apocalypse 20.12

Mê-mono baata babâ-kua keti akala—na bitutu na miyumunu —baa-tandana va busu buakuang'abu-yumunu. Ménabamono bisianga baa-dibala. Nibâ-dibala na yikima, siéna siamandóga mabaata babaa-fua móyi. Nibâ-pasanga mipama miamamba mabaata babâ-kua keti akala, mabo bâ-sadanga mabâ-kóma mu bisianga muene.

Romains 9.16

A mu buvoto buabaata bo muene ve, a mu mamba mabo baasada ve, ndila mu tinga yiNzembinde muene aa-mono bo.

2 Corinthiens 8.9

Bé lé-yebi bu Kum'abésa-béna Jésus Christ aa-mono ting'abaata. Nde nâ-sindala buyumunu buendi, nâ-kua bututu mu niut'a-bésa-béna, ndé, Baata beme baga tsongo.

Romains 5.15

Sómana gu Adam â-sómana ngidi aNzembí gusa-yebene na tsia léNzembí â-sada mu tinga yindê mono baata ve. Kiti mu niut'amutu mumósi wâ-sómana

ngidi, léku lâ-kógala baata bótsi, ?mfua na mutu mumósi Jésus Christ, wuNzembí â-tsindaga, tinga yindê mono ka ni yiyikabisá mambele mabaata mfua bo ve mana?

1 Pierre 5.5b

Nzembí aa-bisa baata bangua lékania. Ndee témbasa baata bamitéma miakolo maniutu.

Tite 3.6,7

Nzembí â-kógasa bésa-bé Lénioni lendi mu mutéma mumósi mu niut'aJésus Christ. Mââ ni mandê sada, mu ndé, Bo ba-ditana neme mu tinga yimee-mo bo, baga yifuidili siamóyi wamubu na mubu.

Matthieu 3.2

Gelani mamba. Buyumunu bua-Nzembí buagu yulu ka buóna bóna!

Luc 13.3

Mee-lele béna, mé, “Bé lé-bisa mamba gele . . . bé bótsi nilé-kua.”

Actes 3.19

Kaa sadani mitéma mu Nzembí, bé lé-gele mamba, Nzembí na-sindala bé mabi mama-li na béna.

Actes 17.30

Na bukala Nzembí âsa-landanga bidimbala biabaata ve. Nde ka baata bótsi aa-lele, ndé, Gelani mamba.

2 Corinthiens 7.10a

Nzembí aa-volisi baata maniutu mu mamba mabo baa-sada, a gó ni gelese guabaata mamba mu fua guamóyi. Ba-mana mamba gele, basiba-baa na mutsima ve.

Proverbes 28.13

Baaba-suege bidimbala biabo basi-mono buédi ve. Babaa-meme bio, bo ba-niaga, Nzembí na-mono bo ka tinga.

Actes 2.38

Gelani mamba, ba-batasa béna mu tata guaJésus Christ. Nzembí na-sindala mamba mabéna mamabi. Nde naba-vee béna na Lénioni lendi Labuyimba.

Esaïe 55.7

Baata bababi bubue ba-niaga mamba mabo mamabi, na móni abaata bangua biku bibibi bubue ba-niaga na bo mamba mabo ba-li na mo, ba-sada mitéma mu Nzembí, nde na-mono bo tinga. Nde ni wulaa-yimbasa, asa-roko na sindala baata mamba ve.

Actes 2.38

Gelani mamba, ba-batasa béna mu tata guaJésus Christ. Nzembí na-sindala mamba mabéna mamabi. Nde naba-vee béna na Lénióni lendi Labuyimba.

Matthieu 6.14

Bé lé-sindala bambegi mabaa-sada bé mamabi, Taat'abéna wu-li

gu yulu na nde na sindala bé mabé laa-sada mamabi. Bé lé-bisa bambegi sindala mamba mabaa-sada mamabi, Taat'abéna na nde asiba-sindala bé mamba mabé lé-sidingi mamabi ve.

Apocalypse 3.19b,20

[Jésus, ndé,] "Sadani mitéma mbuaga, bé lé-gele mamba. Me ndóga mee-temene va munio nzo, me ka dumu aa-dumu. Ngua nzo a-yóga ndag'ame, a-dibala me yo, mèê-ningala gu nzo . . .

Marc 2.5

Jésus â-mono gu baata bâ-bóla lébiogo mu nde, nâ-lele yikata, ndé, "Muan'ame, me-sindili we mamba mawe-sidingi mamabi."

Ephésiens 5.11

Bisani mamba mabaata baasada gu yipfundu. Masa-li mabafua móyi mu mo ve. Kubani na mo. Yelesani na bambegi ti, Mamba muene bubue ve.

?Bé vââ, a ka mitéma mioli mu Nzembî ve? ?Bé lésa-yebi ti, Bé lé-nongo na baata babulongo buu, bé vââ ka Nzembî laa-bele ve? Baata babaa-tondo nongo na baata babulongo buu, bo vââ ka bavidi baNzembî. —Jacques 4.4

Yâ-sadani mitéma mu mamba mabulongo buu . . . Baata bamonô nzal'amamba muene, basamo nzal'aTaata ve. Mamba mótsi mamu bulongo buu—na mamba

mabaata baa-kua nzal'amo mamu maniutu mabo muene mamabi, na bikumbu bibaa-kua na nzal'abio biabulongo buu bibaa-mono, na biku bibaata baa-kakasa, bó, A bié biambuli—mamba muene mótsi masa-mata gu mbóg'a-Taata ve. —1 Jean 2.15,16

Nzembî ama-sa lésoga la-fua guamóyi gu mbóg'abaata bótsi, ndé, Ba-yaba tinga yimee-mo bo. Yo ni yiayaa-tsikasa bésa-bé, mu bisa mamba mótsi maNzembî avongolo . . . Léma-yika na sitasa mitéma mu bisa mamba mamaave-bueye, na mu baa na mamba mamayebene, na mu nongo na Nzembî. —Tite 2.11,12

Jean 3.3

Jésus, ndé, "Mumbuli mee-lele we, mé, Baata baNzembi aave-bóta lébóta lékima basi-mono buyumunu buaNzembi ve."

Jean 1.12,13

Baata babâ-singa Lébiga [laNzembi, Lo ni Jésus], babâ-silala na mamba maLo, bââ ni baLo lâ-sada ngudi ya-kétaga baana baNzembi. Bâ-bóta bo, a mu bunono buabaata ve, a mu bunono buabo muene ve. Wâ-bóta bo, Nzembi, mu ndé, Ba-baa baana beme.

1 Pierre 1.23

Nzembi ama-bóta béna lébóta lékima. Lébóta muene lésa-mata

na baata babulongo buu babaakua ve. Wâ-bótasa béna lébóta muene, Lébiga laNzembi lamubu, Lo lésa-gelege ve.

2 Corinthiens 5.17

Baata ti bó na baChrist mutu ka mumósi, bo vââ bama-gele nzima ka kima. Biku bibo ba-béé na bio bama-niaga. Bibo ba-ka na bio ka bikima.

1 Jean 5.18

Bésa-bé laa-yaba ti, Baana baNzembi basaba-singana na mamba mamabi sada ve. Bââ ni baMuan'a-Nzembi aa-kele. Na mutu wumubi wóna asiba-téla na bo ve.

Ephésiens 2.1,6

Bé lâ-baa baata ngana wó,
 Balâ-kua mu mbat'abidimbala
 biabéna na mamba mabéna
 mamabi. . . . Nzembí nâ-masa
 bésa-béna bu lâ-baadangani, nâ-
 bugusu bésa-bé na baJésus Christ
 yitsiga ka yimósi gu mbog'ande
 gu yulu, mu bésa-béna na baJésus
 Christ mutu ka mumósi.

Galates 5.24

Baata baJésus Christ bama-
 bugu lébuli na nde mu fuana nde
 ngana bu ndê kua mu mbat'a-
 kurusu. Bo vââ basa-seeli na
 mamba mabo muene ve mabo bâ-
 kuadanga na nzal'amo, na mabo
 bâ-tondongo mo.

Bésa-bé ngana wó, Baléma-kua
 gu ngul'amamba mamabi, ?mââ
 léba-gabagalani na mo sada? . . .
 Kaa yabani bé muene ti, . . .
 Bésa ka mu niut'aNzembí laa-
 kémba, mu bésa-baJésus Christ
 mutu ka mumósi. -Romains 6.2,11

Christ â-bongo mbel'abésa-béna
 mu niut'ande, nâ-kua mu mbat'a-
 kurusu mu ndé, Bésa-bé lé-
 kagagani na mamba mamabi,
 bésa-bé lé-baa na mamba mendi
 mamabue . . . —1 Pierre 2.24

Bé balâ-baa baata ngana wó,
 Balâ-kua mu mbat'amamba mabé
 lâ-sadanga mamabi . . . Nzembí
 ama-fuisa bé móyi mu niut'a-
 Christ. —Colossiens 2.13b

Romains 6.23

Musend'abaata bababi, léku. To siNzembí aa-veede mu ting'a-abaata yindee mono ni fua guamóyi wamubu na mubu mu bó na baKum'abésa-béna Jésus Christ mutu ka mumósi.

Jean 5.24

Jésus, ndé, “Babaa-yóga mamba meme na babaa-silala mamba mamu niut'aWâ-tsindaga me, a bââ bama-fua móyi wamubu na mubu, basiba-vee bo mambele ve. Bo vââ bama-mata gu léku, bo ka mióyi ba-ka.”

Galates 6.8

Baata babaa-sada mamba mabo muene mamaa-mata gu mióyi

miabo, sikala sikala tsongo ka ve, ndila ka léku lamubu. Baata babaa-sada mamba mamaa-mata gu mbóg'aLénioni Labuyimba, sikala sikala fua guamóyi wamubu na mubu mu niutu Lénioni Labuyimba.

[Jésus â-bondo, ndé,] “Fua guamóyi wamubu na mubu ni yika na we, we Nzembí mumósi pénya, na móni ame, Jésus Christ, wuwê-tsindaga.” —Jean 17.3

Baata babaa-silala mamba mamu niut'aMuan'aNzembí bama-fua móyi wamubu. Babaa-bisa mamba mendi yóga basi-fua móyi ve, na kési aNzembí yisaka-fua na bo ve. —Jean 3.36

Laa-yabani ti, Bésa-baNzembí
mutu ka mumósi. Laaba-yabani
na ti, Nzembí gutso mitéma a-lidi,
mu ndê tsindaga bésa-bé
Lénioní lendi. —1 Jean 4.13

1 Jean 3.18,19

Baana beme, lé-niagani lele gua-
ti, Me ka ting'abambegi mee-
mono, ndila mu yambala na minio
pénya. Lé-sadalani bambegi
mamba mabaata baa-yaba, bó, Bo
na ting'abambegi. Vââ ka ni va
léka-yabani ti, Bésa-bé lé-ka na
mamba mambuli, mitéma mima-
sónda va misa maNzembí.

1 Jean 3.24

Babaa-kele mandóngi ma-
Nzembí baa-bambana na Nzembí,

bó na bo mutu ka mumósi.
Nzembí na nde ka gutso mitéma
miabo a-ka. Lénioní Labuyimba
léNzembí â-tsindaga laa-yabasa
bésa-bé, ndé, Nzembí gutso
mitéma miabésa-béna a-ka.

[Jésus, ndé,] “Baata babaa-yaba
mandóngi meme, bo ba-sada
mamee-lele bo, mé, Ba-sada, bââ
ni babaa-tondo me. Babaa-tondo
me, bo ni baTaata na nde aa-
tondo. Me ne meni-tondo bo, meni-
yikasa bo na mamba mamu
niut'ame. —Jean 14.21

Lénioní Labuyimba laa-silala
mutso mitéma miabésa-béna, ndé,
Bésa-béna ka baana ba-
Nzembí. —Romains 8.16

CHRIST TI GUTSO MUTEMA, MUTEMA KA NGOMBO

Mema-bugu lébuli na Christ,
 mu mé, Me neme me-baa ngana
 wâ-kua mu mbat'akurusu.
 Mesa-seeli mu me muene ka ve.
 Me ka móyi mee-fua mu mbat'a-
 Christ waa-tsagala gu mutéma.
 Mamba mame-ka mu sada, me
 mo mee-sada mu silala gu mee-
 silala mamba mamu niut'a-
 Muan'aNzemb. Nde ni wâ-
 mono ting'ame, nâ-sindala
 niut'ande mu me. —Galates 2.20

Jean 15.11

[Jésus, ndé,] "Me-béé me-
 léli béna mamba muene, mu
 mé, Bubue bu mee-mono, bé

na bé lé-mono buo. Bubue
 muene bé lésiba-kaya ve."

Wubé laave-mono, bé ka nde
 laa-tondo. Nde ni wubé lé-ka
 mu silala mamba mamu niut'-
 ande, bé nde ki pa-mono ve.
 Bé ka ngombo laa-mono
 yalótala, bé lési-tóga ti yo
 sópala ve.

—1 Pierre 1.8

Jean 17.13

[Jésus, ndé,] "Me ka gu
 mbóg'aNzemb. mee-yende. Me
 mamba muene mee-lele mu me
 ki mu bulongo buu, mu mé,
 Bubue bu mee-mono, bo na bo
 ba-mono, na bubue muene
 basiba-kayi ve."

Romains 6.16

Bé dimbala laa-dimbala ti,
 Bé lé-singana na maniutu
 veede gu mbog'amutu mu
 yimbasa nde, bé vââ ka
 bavéga bawóna wubé laa-
 yimbasa. Bé ka bavéga
 bamamba, ti mamabi, sikala
 sikala ka léku; ti mabuyimba,
 sikala sikala ditana na Nzemb.

Deutéronome 11.26-28

Monani! Na misanga na
 misibala! Solani bibé laa-tondo.
 Bé lé-sada mamba ma-
 Nzemb aa-lele, ndé, Bé lé-
 sada, bé nilé-baga misanga.
 Bé lé-bisa sada maNzemb aa-

lele, ndé, Bé lé-sada, bé lé-
 niaga na nzila yimee-laga béna,
 bé lé-yimbasa bikoko biabéna,
 bé nilé-mono misibala.

2 Thessalonicens 1.7,8

Bé balaa-mono mimbondo,
 Nzemb na-kanisa bésa-béna
 maniutu mu létsugu léKum'a-
 bésa-béna Jésus aka-póla gu
 yulu bó na batóma bendi bagu
 yulu, bo bangua ngudi. Niba-
 yada gutso muludi ambuaga. Va
 Jésus aka-yada, na-tsisa baata
 babaa-tóngala, bó, Nzemb tsia
 ve, sigi, na móni abaata babaa-
 kóbala matsanga maKum'a-
 bésa-béna Jésus mamabue.

BAATA BUBUE BA-MEME, BO, JESUS KA KUMU

1 Jean 2.23

Babaa-bisa Muan'aNzemb, na móni aTaat'ande ba-bisi. Babaa-yaba Muana, baa-yaba na Taat'ande.

Romains 10.9

Bé ti laa-meme na minio ti, Jésus ni Kum'abésa; bé ti laa-yaba mu mutéma mumósi ti, Nzemb, á-sóla nde gu léku léndé kua, bé nilé-fua móyi.

Matthieu 10.32, 33

Baata babaa-meme me va misa mabambegi, me vââ me neme meni-meme bo va misa maTaat'ame gu yulu, mé, Bo baata beme. Baata babaa-bisa me va misa

mabambegi, me vââ me ne meni-bisa bo va misa maTaat'ame gu yulu, mé, Mesa-yebi bo ve.

1 Jean 4.2

Yógani bu bé léka-yaba mamba mamaa-mata gu mbog'aLénioni Labuyimba. Baata babaa-meme, bó, Jésus Christ nzim'abaata á-bongo; bââ ni baba-li na Lénioni LaNzemb, Labuyimba.

Baata babaa-bisa me mu tsóni, na móni amabiga meme, me Wâ-bongo nzim'abaata va meka-yada bésa-batóma baNzemb bagu yulu babuyimba na buyumunu bua-Taat'ame, vââ ka ni va me neme mekaba-bisa bo. —Luc 9.26

Actes 26.18

Mee-tsindaga we, mé, Baata baniaga mamba mayipfundu, basada mamba mayivele. Ba-mata gu miogo miaSatan, ba-kalaga mitéma mu Nzembí, ba-singa, bó, Me Kum'abo wubaa-fua móyi mu nde; me-sindala mamba mabo ba-sidingi mamabi. Bo vââ niba-bugunu na baNzembí â-bânda, ndé, Ba-baa beme.

Matthieu 4.1, 10, 11

Vââ ka ni va Léníóni Labuyimba lâ-béta Jésus gu yitsiga sialégengi mu ndé, Diable a-sombo nde. . . . Jésus nâ-lele ndé, ndé, "Mata vââna na mukasa, Satan! Bâ-kóma mu

yisianga siamamba maNzembí, bó, Gobisi Kum'awe Nzembí, we-yimbasa nde pénya." Diable a-yóga bóna, nâ-mata vââna. Vââ ka ni va batóma baNzembí bagu yulu nibâ-bakasa Jésus va yitsiga muene mu témbasa nde niutu.

1 Pierre 5.8

Kamani mitéma. Baadangani na bungósa. Muvidi abéna diable ngana wó, Yimbungu sisia-viana baata, singa sia-singa, ndé, Mekuata bo, me-tsia.

Bongani biluenili biaNzembí bidee veede béna biótsi. Bié ni bibia-sítasa bé mitéma mu bisa mamba madiable mandee sombo béna. —Ephésiens 6.11

Jacques 4.7, 8a

Kololani Nzembí. Bisani diable, na-bata béna vala. Sadani mitéma mu Nzembí, nde na nde nasá mutéma mu béna.

1 Jean 3.8b

Diable ni wâ-sadanga bubi keti atsómi nasia lolo. Muan'a-Nzembí â-yada, mu ndé, Me-mana misama miadiable.

Marc 16.17

[Jésus,ndé,] “Baata babakasilala mamba mamu niut'ame... nibafunzungu badéma mu tata guandog'ame.”

Romains 8.35, 37

Siyika-bóma yinongo siabésa-béna na baChrist ka yiki. ?Ka mi-

mbondo? ?Ka niutu bubi? ?Ka ngusu yibaa-sa? ?Ka nzala? ?Ka kua guabututu? ?Ka bibia-bóma baata peti bio? ?Ka léku lélaakua? Mu mamba muene mótsi, bésa-béna lésa-seeli na yibeyi ve. Bésa-béna mitéma mima-sónda mu ngudi awaa-tondo bésa-béna.

2 Corinthiens 10.4

Biluenili bilaa-luanani na bio, a bibaata baa-luana na bio mu paba guamaniutu ve. Bio biaNzembí bibinono. Bio bia-tsamana mumua-tsagala diable. Bio ni bilaa-kegese baata babaa-kuata paga mu mamba mamu niut'a-Nzembí.

[Jésus, ndé,] "Bé ti laa-monono ting'abambegi pfuesi abé muene na bé muene, vââ ka ni va bótsi baka-yaba, bó, A bââ baata baJésus." —Jean 13.35

1 Corinthiens 13.1

Me na yambala mandaga mamaa-yambala baata bamakaka mótsi na mamaa-yambala batóma baNzembí bagu yulu, me ti ting'abambegi mono ve, mamba mamee-yambala mââna ka ngana wó, . . . Pamba yibaa-tsókasa.

1 Jean 3.14, 4.20

Laa-yabani ti, Bésa-bé léma-yagana na léku, bésa-bé ka móyi laa-fua mu tinga yilaa mono bambegi. Babaave-mono ting'aba-

mbegi, ki gutso léku ba-kini. Mutu a-lele, ndé, Me Nzembí meetondo, mââ nde ndila mbegi aa-bele, nde vââ ka kutu aa-kutu. ?Ki muan'aTeyi wundee mono asa-mo ting'ande ve, mfua na Nzembí wundee ve-mono, wundee yóga tsang'andog'ande, nde ka ni wunde ki-mono ting'ande?

Mamba mamaa-mata gu mbóg'aLénioni Labuyimba: na ting'abambegi, na ngombo, na mutém'asónدا, na kama guamutéma, na yingaga, na sada guamamba mamabue, na yibeyi siamamba siyibue, na butsóga, na sitasa guamutéma mu bisa mamba. —Galates 5.22, 23a

Bésa ni balâ-monongo mótsi mandê sadanga . . . Bo nibâ-komini nde mu mbat'akurusu, bó, A-kua. A-mana tsugu yoli, mu lamutata Nzembí nâ-sóla nde gu léku, ndé, A-monono na baata. A na peti baata ve, ndila na bésa bandê bânda, ndé, A bââ bimóni. Bésa-bó ni balâ-tsiadanga na niodongo va yul'asóga guendi gu léku.

—Actes 10.39-41

Tsugu tsamba, mu lamupombo, baata baJésus nibâ-buana gu tsin'anzo. Thomas na nde â-baa bó na bo. Nzo yâ-baa bâ-béndaga. Nibâ-kémaga Jésus vatso bo. Nde nâ-lele bo, ndé, "Polo na béna yika!" Nde nâ-lele Thomas, ndé,

"Kukulu vaa, we-bembe na yividi siava tsin'alébenzi siba-rumi lékongo sii. Nia pfudu kuata, me mumbuli me-sugi." Thomas nâ-lele nde, ndé, "A Nzembí, we ni Kum'ame!" —Jean 20.26-28

Romains 4.25

Jésus muene ni wubâ-sindala, bó, A-kua; mu mbat'amamba mabésa-bé lâ-sadanga mamabi. Nde nâba-sóga mu bengasa bésa-béna va misa maNzembí.

Marc 16.9

Jésus a-mana sóga na makiaki matsono, nâpa-monono na Marie mamuisi Magdala. Mukaasa muene ni wundê pôsa badéma tsamba babâ-baa gutso niut'ande.

Matthieu 16.21

Jésus â-banda baata bendi lébala mamba ndila ka velê, ndé, "Bubue mepa-too gu Jérusalem. Bivónda biabaata bó na bivónda biababondili babaata Nzembé, na basupili bamabiga maNzembé niba-muese me mimbondo mfua mio ve, niba-kese ndunzi ame, bó, A-kua. Me-mana kua, tsugu yoli, mu lamutata, meni-sóga."

Jean 5.25, 28, 29

"Mumbuli meeba-lele béna, mé, Lékese ka bele lé-ka na yada lébaata babâ-kua kala baka-yóga ndag'aMuan'aNzembé. Lo béé léma-ya. Babaka-yóga yo niba-fua

móyi. Yâ-yitsani mamba muene. Lékese labusu baata baba-li mutso mangila baka-yóga ndag'ame. Bo ndila ka pôla. Babaa-sada mamba mamabue niba-sóga mu fua guamóyi. Babaa-sada mamba mamabi, niba-sóga mu kua guamambele.

Romains 6.4b, 5

Bu Christ â-sóga mu ngudi aTaat'ande yalótala, bó ni bu na móni abésa-béna lâ-baga ngudi na nde ya-gele manzima makima. Bésa-béna ti léma-mana bugu lébuli na nde mu léku lénđê kuada, ka na móni amu sóga gu ndê sóga léma-mana bugu lébuli na nde.

Hébreux 12.14

Guadani na lémbanda sada mu baa lingi bé na bambogi na mu baa na mitéma miatendege. Babaave-na mitéma miatendege basaka-mono Kumu ve.

Ephésiens 1.4

Nzembí â-bânda bésa-béna mu niut'aChrist, ndé, Niba-baa beme, ndé baa ki asa-si tsenge yótsi ki ve, mu ndé, Bo baka-baa na mitéma vele, tsia ni tsia ve, na lébaa-dimbala ti lémósi ve va misa meme.

1 Pierre 1.2

Bé ni baNzembí â-solo, ki bé bota ve. Ndé bânda béná, ndé, Bo

ni baLéníóni leme léka-tendele mitéma; mu ndé, Baka-yimbasa me, bo baka-bueye mu mbat'anzin'a-Jésus Christ. Yo yâ-pógaga mu niut'abaata bôtsi. Mee-bondo Nzembí, mé, A-vee misanga mfua mio ve gutso mitéma, mio mi-baa miasónda mbiû!

2 Corinthiens 7.1

A baweyi, mââ ni mandegi ma-Nzembí â-sada bésa-béna. Kaa léki-bisani mamba mamabi mótsi mamaa-ganza bésa-béna maniutu na manióni. Lé-baadani na mitéma velê, lé-monani Nzembí bomo mu bitsegili biabésa-béna.

Hébreux 13.12

Mââ ni maJésus â-mono
mimbondo, na nde, gu tsómb'a-
bola, ndé, Me-tendele baata
mitéma na nzin'ame.

1 Jean 1.9

Bésa-bé lé-tubu mamba malé-
sidingiani mamabi, Nzembî vââ
na-sindala bésa-bé mitéma
mamba mamabi, ma-fua mótsi.
Nde mi mut'ayebene, nde na
mamba malédita.

Matthieu 3.11

[Jean, ndé,] "Batéma yimee-vee
béna yii ndila yamâmba pénza
yati, Bé léma-gele mamba. To
waa-yada gu mbisa ni wuka-vee
béna batéma yaLénioní

Labuyimba na yambuaga. Nde
lutili me ngudi. Mesi-bueye ti
bapondo bendi bembe ve.

Luc 1.74, 75

Nzembî, ndé, Meni-diba béna na
babaa-vida béna. Bé léka-yimbasa
me, bé bomo mono ve.

Kaa bongani nzima yiya-a-mata
gu mbog'a Nzembî mu sada
mamba mamaa-bueye, bé lé-baa
na mitéma velê. Mamba maJésus
ni mamaa-gelese bé mamba
muene. —Ephésiens 4.24

2 Pierre 3.11

Biku biotsi nibi-sólana na
mbuaga. Bé vââ mu bitsegili bibé
lé-li na bio ka bû léki-sa. Bé bubue
lé-baa balaa-bambana na Nzembî.

42 BAATA BALENIONI LABUYIMBA LAA-KOGALA BO MU MITEMA

Romains 8.9

Bé lésa-seeli na mamba mabé muene ve. Bé ndila ka mamba malénioni Labuyimba laa-duku, tsâga ti Lénioni Labuyimba laatsagala mu mitéma miabéna. Baata babaave-na Lénioni Labuyimba mutso mitéma basa-li baata bendi ve.

Actes 1.8a

Lékesé léléLénioni Labuyimba léka-yada gu mbog'abéna, bé nilébaga ngudi, bé léka-simbalanga mamba mamu niut'ande.

Actes 4.31

Bo ba-mana Nzembé bondo, yitsiga sibo bâ-kókana nisiâ-

tsóka. Lénioni Labuyimba nilâkogala bo bótsi mu mitéma. Bo nibâ-yambala ka mamba ma-Nzembé na bukidi.

Etienne wuLénioni Labuyimba lâ-kogala mu mutéma nâ-simbala misa gu yulu, nâ-mono buyumunu buaNzembé na bu Jésus â-baa mutele va ngul'ambagal'a-Nzembé.

—Actes 7.55

Luc 11.13b

Kiti bé baata balé-li bababi léyebi veede baana babéna bikumbu bibibue, ?mfua na Taat'abésa-béna wu-li gu yulu ka ni wuki-kondo veede babaa-bondo nde Lénioni Labuyimba?

MANDEGI MANZEMBI MAGU MBOG'ABAANA BENDI

43

1 Pierre 4.12, 13

A baweyi, yâ-kémagani mamba mamimbondo miminono mibé laa-mono mimia-tsitsa bé mitéma, bé ti, Mamba maa, mo gû maa-mata. Monäni ngombo mu bé léma-bugunu na Christ mu mono mimbondo mindê monongo. Va nde ka-yada na buyumunu buendi, vââ ka ni va bé léka-sangala nde na ngombo.

Apocalypse 21.4

Nde na-kaniasa bo matsanga mu misa, léku lésakaba-baa ve. Baata basaka-baa na makondo ve, basakaba-léla ve, basakaba-mono mangengi ve. Mamba

maketi akala mama-fua.

Jacques 1.5b, 6a

Nzembí aa-veede baata bótsi mu mutéma mumósi, asa-sada ti tsémba ve. Waa-vondo, a-vondo mu mutéma mumósi, ndé, Menibaga; a mu mitéma mioli ve.

Matthieu 28.20b

Yabani ti, Me na béna me-li tsugu yótsi nasi ka fua mamba mabulongo buu.

Hebreux 12.7a

Sókalani mitéma mu sigi yiNzembí aa-tsisa béna. Nzembí aa-mono bé, ndé, Bé baana beme. ?Bé laa-mo taat'amuana waave-tsisa muan'ande sigi?

44 MANDEGI MANZEMBI MAGU MBOG'ABABAAMONO MAMBA PAGA

1 Corinthiens 10.13

Mabaa-kanasa béna, mo ni mabaata bôtsi baa-mono. Nzembisa-a-dimbala mamba mandee lele, ndé, Meni-sada ve. Asi-singasa, ndé, Ba-kanasa béna mamba mamanono mabé laave-tóga sinda mitéma ve. Ba-kanasa béna, Nzembni na-laga bé yipulili siamu mamba muene, na-sítasa bé mitéma.

Hebreux 2.18

Ndê monongo mimbondo mu tsitsa gu bâ-tsitsanga nde mutéma, nde vââna na-témbasa baata maniutu babaa-tsitsa na bo mitéma.

Jacques 1.12

Buédi bu-li na baata babaa-sítasa mitéma mu bisa mamba mabaa-kanasa bo mamabi. Mitéma mi-mana sítâ mu bisa guamamba muene mamabi, bo vââ niba-fua móyi. Lé ni léNzembni â-sada ndegi, ndé, Meni-sada bé balaa-tondo me.

Romains 8.28

Bésa-béna laa-yaba ti, Baata babaa-tondo Nzembni, . . . bo na ba-mono mamba mamabue, bo na ba-mono mamba mamabi, Nzembni ni waa-sadasa mo mótsi, ndé, Ma-sada bo bubue.

Apocalypse 3.5

Babaka-sókala mitéma mu mamba, bo ni babaka-luata bilueti biafuku. Mesaka-bunzulu mandóga mabo mu yisianga sieme siamandóga mabaata babaa-fua móyi ve. Meni-meme bo va misa maTaat'ame na va misa mabatóma bendi bagu yulu, mé, Bââ baata beme.

Apocalypse 2.7

Baba-li na matchui buesi mu yóga mamba, bubue ba-yóga maLénioni Labuyimba laayambala na baata baMabundu meme! Ndé, "Babaa-sókala

mitéma mu mamba meme, menitsiadasa bo biéla biamuti waa-fuisa baata móyi . . . "

Apocalypse 2.26

Babaka-sókala mitéma mu mamba meme, babaka-kele na mamba meme kii na guka-sika tsenge, meni-vee bo buyumunu bua-géda baata bamakaka mótsi.

Apocalypse 3.21

Babaka-sókala mitéma mu mamba meme, bésa-bo nilé-tsagala va kuang'ame ya-buyumunu. Mê-sókala weme mutéma mu mamba meme, ménaba-tsagala bésa-Taata va kuang'ande yabuyumunu.

Matthieu 5.32a

Lébagala a-témbaga mukedi
ande, mukedi ti asa-li yivesi ve,
nde vââ a-legi mukedi nzila mu
sada buvesi na babagala bakima.

Luc 16.18a

Lébagala a-témbaga mukedi
ande, aba-kuele mukima, nde buó
bundiga aa-sada. Na móni
lébagala aba-kuele mukaasa
wumului ande a-timbigi wóna,
nde buó bundiga aa-sada.

1 Corinthiens 7.10, 11

Me ka mandóngi mee-longo
babama-mana kuelene, to a me ve.
Waa-longo bo, Kumu. Mé, Bakedi
baya-kagaga na balumi babo.

Mukaasa ti aa-kagaga na mulumi
ande, a-baada nde pénya, ayâba-
kuelene. A-tondo, a-gabaga na
mulumi ande, mulumi ayâ-bisa
nde.

Romains 7.2, 3

Mangidi maNzembi maa-guasa
lékuele lamukedi na mulumi va bo
baboli ba-ki mióyi. Mulumi a-kua,
mukedi asa-seeli na ngidi yinde
béé na yo bó na mulumi ve. To
mulumi ki móyi, mukedi aba-
yende lékuele lékima, nde buó
bundiga. To mulumi a-kua,
mukedi asa-seeli na ngidi yaba-
yende lékuele lékima ka ve. Nde
na ba-kuelene na lébagala lékima,
a buó busa-seeli bundiga ka ve.

Apocalypse 16.15

[Jésus, ndé,] "Bu mubóngi aa-ya
yitsundi atsundi, bó ni bu me ne
meka-yada yitsundi atsundi.
Buédi buka-baa na baata baba-li
na lémbanda la-tala me . . ."

Luc 12.40

"Bé na béna kaa rambalani, bé
lé-baa misigi. Bé léka-kémaga me
Wâ-bongo nzim'abaata yitsundi
atsundi."

Marc 8.38

"Baata babaa-bisa me mu tsóni
na móni amabiga meme va pfuesi
abaata bamfuagi, babaa-póla
Nzembí lévu, bo sadanga ndila
mamba mamabi, me Wâ-bongo

nzim'abaata, va meka-ya bésa-
batóma baNzembí bagu yulu na
buyumunu buaTaat'ame, vââ ka
ni va me neme mekaba-bisa bo."

Jean 14.3

"Me-yende, me-mana bitsiga
vanga, meniba-ya guni mu yi-
bongo béna. Mee-tondo, mé, Bésa
bótsi léka-baa gu me-li góna."

Matthieu 24.30

Yilémba sia Me Wâ-bongo
nzim'abaata niyi-póla gu yulu.
Baata bamakaka mótsi baka-léla
makondo, baka-mono Me Wâ-
bongo nzim'abaata mee-sótaga
gutso mabungi na buyumunu
bueme bualótala na buyimba.

Baata baka-mono Wâ-bongo nzim'abaata aa-sótaga gutso lébungi na buyumunu bualótala na buyimba. —Luc 21.27

Matthieu 16.27b

[Jésus, ndé,] Va meka-yada bésa-batóma baTaat'ame bagu yulu na buyumunu buaTaat'ame, meni-kala baata mapéla mu mamba mabo bâ-sada.

[Batóma baNzembi bagu yulu] nibâ-fulu bo, bó, "A babagala babisi Galilée baa, bé muki laatemene vaa mu talanga gu yulu. Jésus muene wuNzembi a-kumisi gu yulu va misa mabéna, bu bé lé-móni bu nde kumi, bó ni bu nde kaba-yada muunumu."—Actes 1.11

Bu muvédi avédi aa-vedene kueyi na gu ngulu yilétedi laakóma, bé léba-tala kueyi na gu ngulu yilétedi laa-yende, bó ni bu me Wâ-bongo nzim'abaata mekayada. —Matthieu 24.27

Jacques 5.8

Bé na béna, sókalani mitéma. Guasani mio. Léyada laKum'a-bésa-béna ka bele lé-ka.

1 Jean 3.2

A baweyi, bésa-bé ka baana ba-Nzembi. Lésapa-tsikasani mamba maléka-baadani na mo gu busu ve. To lé-yabani ti, Va Christ aka-yada, léka-baadani na nzim'ande mu mono guande na misa.

MABIGA MANZEMBI

Nzembí ni wâ-kómasa baata mabiga mendi mótsi. Mo maa-bueye mu yabasa baata bimbuli, na mu kegese babaa-dimbala, na mu yelese baata, na mu yigasa bo bu baka-sada mamba mamabueye. —2 Timothée 3.16

Luc 21.33

[Jésus, ndé,] “Na yulu na toto nibi-fua biótsi, to mabiga meme masaka-fua ve.”

Hebreux 4.12

Mabiga maNzembí ma-li bunono, maa-tabala baata mitéma. Mo ngana wó, Mbédi lébaka, yi-li ngulu ménga, ngulu ménga. Mo maa-kagala mufudi

na lénióni. Masa-sika ndila mu mayulu pénya ve, na mutso mapapanga. Mo maa-pósá mamba mabaa-vanga gutso mitéma na mabaa-suege.

Jean 6.63

Manióni ni mamaa-fuisa baata móyi. Niutu tsongo ve. Mabiga mame-léli béna ma-li maLénioni Labuyimba. Mo ni mabaa-fua móyi mu mo.

Mee-kele mabiga mawe mu mutéma, mé, Mesa-sa mawee-bele.

—Psaume 119.11

Psaume 119.105

Mabiga mawe ma-li ngana wó, Lembi waa-yalala me nzéla.

Published in numerous languages by World Missionary Press, Inc.,
as God supplies funds in answer to prayer. For questions or more
information by country, visit: www.wmp-contacts.org

World Missionary Press
PO Box 120
New Paris, IN 46553-0120 USA
www.wmpress.org

6-24

Read booklets online or by App
www.wmp-readonline.org
198 Nzebi HFA

